

2023

INSPIRATE

Todos os lugares teñen unha historia, seguro que o teu concello ten moitos lugares para inspirar un relato.

CREA UN RELATO

Que axude a visibilizar e coñecer o patrimonio cultural, turístico, natural e medioambiental dun concello da provincia da Coruña.

TEMÁTICA

Os relatos poderán estar relacionados coa historia local, lendas propias, tradicións do pobo, persoeiros do concello, a riqueza natural, cultural...

PRAZO E FORMA

Do 1/7/2023 ao 31/8/2023.

O relato será inédito e deberá ter entre 500 e 2000 palabras.

Formato .doc, .docx ou .odt.

Envíao por formulario en:

www.dacoruna.gal/biblioteca

GAÑA UN PREMIO

Os premios consistirán en estancias rurais na provincia e tamén dun sorteo de lotes de produtos entre os participantes.

O TEU RELATO

O teu relato formará parte do proxecto #HoxeEscriboEn 2023.

Usarémolo para visibilizar o patrimonio provincial e o talento literario.



A CORUÑA PROVINCIA

**93 CONCELLOS
DA PROVINCIA
DAN PARA MOITO
ESCRIBIR**



Deputación
DA CORUÑA



Biblioteca e Turismo
www.dacoruna.gal/biblioteca

**Relatos
para viaxar**
polos concellos
da provincia da Coruña

#HoxeEscriboEn



DL C 1072-2023

Relatos para viaxar polos concellos da provincia da Coruña

#HoxeEscriboEn

Bases do concurso

1. Primeira.-Obxecto

O obxecto do concurso é fomentar o talento creativo, a animación á escritura e á lectura e a difusión do patrimonio cultural e turístico dos concellos da provincia da Coruña; sensibilizar sobre o patrimonio cultural, natural e medioambiental de cada un e a importancia de preservalo. Para iso a Biblioteca Provincial, xunto coa Sección de Turismo da Deputación da Coruña, convocan unha nova edición do concurso de relatos da provincia.

2. Segunda.- Participantes

Poderán participar todas as persoas físicas, maiores de idade, usuarias ou non da Biblioteca Provincial da Deputación da Coruña, de xeito libre. Quedan excluídas todas aquelas persoas con calquera tipo de relación laboral coa Biblioteca Provincial e coa Sección de Turismo da Deputación da Coruña.

3. Terceira.-Formato

Os relatos presentados **ambientaranse ou referiranse a un concello da provincia da Coruña**. Non será necesario que o autor viva nel, e **deberán estar relacionados con algún destes temas: a historia local, lendas propias, tradicións do pobo, persoeiros destacados, os valores positivos do concello, a riqueza natural, cultural ou medioambiental do concello ou calquera outro aspecto que axude a resaltar o patrimonio do concello**. Deberán estar escritos en galego ou castelán, ser **inéditos** e non ter sido presentados en ningún outro concurso. O texto terá unha extensión entre 500 e 2000

palabras, escrito a dobre espazo con letra Times New Roman, en corpo 12. Presentarase como un arquivo de texto en formato .doc, .docx ou .odt.

4. Cuarta.-Forma de presentación

A presentación dos relatos deberá ser a través do formulario habilitado na web da Biblioteca da Deputación da Coruña.

O formulario encóntrase na web da biblioteca <https://www.dacoruna.gal/biblioteca> na seguinte ruta **Actividades>Concursos>Concurso #HoxeEscriboEn> Edición 2023**.

Tamén se pode premer na seguinte ligazón: <https://www.dacoruna.gal/biblioteca/actividades/concurso-hoxeescriboen/edicion-2023>

Cada participante deberá realizar unha inscrición na que indique o seu nome e apelidos, concello da provincia desde o cal participa e no que se ambienta o relato, teléfono de contacto e enderezo postal.

Deberá enviar como arquivo adxunto a esta inscrición o relato en formato .doc, .docx ou .odt.

Cada persoa poderá participar cantas veces queira, deberá enviar un formulario por cada participación.

Para resolver dúbidas do concurso, pódese contactar enviando un correo electrónico a biblioteca.info@dacoruna.gal ou no teléfono 981 080 176.

5. Quinta.-Prazo de presentación

O prazo de presentación do relato é do 1 de xullo de 2023 ao 31 de agosto de 2023, ambos os dous incluídos. Non se considerarán as propostas presentadas fóra deste prazo.

6. Sexta.-Xurado

Os relatos serán valorados por un xurado especializado e a súa decisión será inapelable. A valoración basearase en criterios de orixinalidade, calidade na redacción, calidade lingüística e aproximación á temática proposta nas bases primeira e terceira.

O nome das persoas gañadoras darase a coñecer no mes de setembro de 2023.

7. Sétima.-Premio

O primeiro premio consistirá nunha estancia para dúas persoas de dúas noites, con almorzo incluído, nun establecemento do tipo de cabanas rurais da provincia da Coruña.

O segundo premio consistirá nunha estancia para dúas persoas dunha noite, con almorzo incluído, nunha casa rural da provincia da Coruña.

O terceiro premio consistirá nunha comida ou cea para dúas persoas nun establecemento da provincia da Coruña.

Ademais, entre os participantes sortearanse varios lotes de produtos da provincia.

As persoas que resulten galardoadas recibirán a comunicación por teléfono ou correo electrónico e publicaranse nas redes sociais e web da biblioteca.

As datas de goce dos premios serán concretadas coas persoas gañadoras, unha vez resolto o concurso.

8. Oitava.-Entrega do premio

A entrega dos premios terá lugar nun acto público que se realizará na Biblioteca Provincial da Deputación da Coruña. Salvo por razóns de forza maior, as persoas gañadoras deberán estar presentes no acto de entrega do premio.

Os lotes de produtos da provincia, que sortearán entre os relatos ambientados en cada concello, serán enviados por correo postal ao enderezo sinalado polos participantes na súa mensaxe de participación, tal e como se solicita na base cuarta.

9. Novena.-Dereitos e deberes

A participación no concurso leva aparelada a autorización para publicar os relatos, xunto co nome e apelidos das persoas participantes, nos diferentes medios impresos e dixitais que utiliza a Sección de Turismo da Deputación da Coruña, a Biblioteca, e a Deputación da Coruña, incluídas as redes sociais e a plataforma de préstamo dixital EbiblioDaCoruna. Os relatos presentados ao concurso de xeito incompleto ou que non se axusten ou incumpran as bases, así como aqueles de contido inadecuado, serán excluídos.

A participación no concurso implica a aceptación total destas bases, e que os participantes se fan responsables da autoría e contido dos relatos, que non vulnerarán os dereitos de honra, intimidade persoal/familiar e á propia imaxe de terceiras.

